

ԱՐՁԱՆԱԳՐՈՒԹՅՈՒՆ N 4

ՀՀ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ ՀՐԴԵՀԱՅԻՆ ԱՆՎՏԱՆԳՈՒԹՅԱՆ  
ՏԵՍՉԱԿԱՆ ՄԱՐՄՆԻ ԿԱՌԱՎԱՐՄԱՆ ԽՈՐՀՐԴԻ 2021 ԹՎԱԿԱՆԻ ՀՈՒՆԻՍԻ 23-Ի  
ԱՐՏԱՀԵՐԹ (ՀԵՌԱԿԱ ՔՎԵԱՐԿՈՒԹՅԱՆ) ՆԻՍՏԻ

ք. Երևան

28 ՀՈՒՆԻՍԻ 2021թ.

Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) կառավարման խորհրդի (այսուհետ՝ Կառավարման խորհուրդ) նախագահի 21 հունիսի 2021 թվականի N 1-Լ որոշմամբ՝ հեռակա քվեարկությամբ տեղի ունեցավ Կառավարման խորհրդի արտահերթ նիստ: Էլեկտրոնային քվեարկությունը սկսվել է 2021թ-ի հունիսի 23-ին և ավարտվել՝ հունիսի 25-ին:

Քվեարկության նյութերը սահմանված ժամկետում ներկայացվել են Կառավարման խորհրդի անդամներին:

**Կառավարման խորհրդի նիստին մասնակցում էին՝**

**Կառավարման խորհրդի նախագահ՝** Անդրանիկ Փիլոյանը ՀՀ Արտակարգ իրավիճակների նախարար

**Կառավարման խորհրդի անդամներ՝**

Ս.Պապիկյանը ՀՀ տարածքային կառավարման և ենթակառուցվածքների նախարար

Ա. Ասոյանը

ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավար

Կ. Բրուտյանը

ՀՀ ֆինանսների նախարարի տեղակալ

Վ.Դանիելյանը

ՀՀ արդարադատության նախարարի տեղակալ

Ա.Ավանեսյանը

ՀՀ էկոնոմիկայի նախարարի տեղակալ



Ա. Ղուլարյանը

ՀՀ քաղաքաշինության կոմիտեի նախագահ

Ս. Թովմասյանը

ՀՀ կադաստրի կոմիտեի ղեկավար

Ա. Դանիելյանը

Հայաստանի արդյունաբերողների և գործարարների միության ներկայացուցիչ

Մ. Սանդոյանը «ՓՄՁ համագործակցության ասոցիացիա» ՀԿ-ի ներկայացուցիչ

Ա. Կարապետյանը «Զարգացման լուծումների ինստիտուտ» հիմնադրամի տնօրեն

Կառավարման խորհրդի նիստին և քվարկությանը չի մասնակցել Կառավարման խորհրդի անդամ Մ. Հովհաննիսյանը «Ճարտարապետության և շինարարության ՀՀ ազգային համալսարան» հիմնադրամի ներկայացուցիչ:

**Քվորումն ապահովված էր:**

#### **ՕՐԱԿԱՐԳ**

1. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի հաստիքացուցակին և քաղաքացիական ծառայության պաշտոնների անձնագրերին՝ համաձայն հավելված 1-ի:
2. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի որակի ապահովման վարչության 2021 թվականի 1-ին եռամսյակի հաշվետվությանը՝ համաձայն հավելված 2-ի:
3. Հաստատել ՀՀ քաղաքաշինության, տեխնիկական և հրդեհային անվտանգության տեսչական մարմնի որակի ապահովման վարչության 2021 թվականի 1-ին եռամսյակի գործունեության կատարողականի գնահատումը՝ համաձայն հավելված 3-ի:
4. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի 2021 թվականի առաջին եռամսյակի ընթացքում կատարված աշխատանքի վերաբերյալ հաշվետվության նախագծին՝ համաձայն հավելված 4-ի:



5. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի 2021 թվականի ստուգումների տարեկան ծրագրում ստուգումների ժամկետների փոփոխությանը՝ համաձայն հավելված 5-ի:

**Քվեարկությունը համարվեց կայացած:**

**Քվեարկության արդյունքում՝**

1. Անդրանիկ Փիլոյանը 1-ից 5-րդ հարցերին քվեարկեց կողմ,
2. Ս. Պապիկյանը 1-ից 5-րդ հարցերին քվեարկեց կողմ,
3. Ա. Ասոյանը 1-ից 5-րդ հարցերին քվեարկեց կողմ,
4. Կ. Բրուտյանը 1-ից 5-րդ հարցերին քվեարկեց կողմ,
5. Ա. Ավանեսյանը 1-ից 5-րդ հարցերին քվեարկեց կողմ,
6. Վ. Դանիելյանը 1-ից 5-րդ հարցերին քվեարկեց կողմ,
7. Ա. Ղուլարյանը 1-ից 5-րդ հարցերին քվեարկեց կողմ,
8. Ս. Թովմասյանը 1-ից 5-րդ հարցերին քվեարկեց կողմ,
9. Ա. Կարապետյանը 1-ից 5-րդ հարցերին քվեարկեց կողմ,
10. Ա. Դանիելյանը 1-ից 5-րդ հարցերին քվեարկեց կողմ,
11. Մ. Սանդոյանը 1-ից 5-րդ հարցերին քվեարկեց կողմ :

Կառավարման խորհրդի անդամ Ս. Թովմասյանը օրակարգի 1-ին հարցի վերաբերյալ առաջարկել է «Հաշվի առնելով հիմնավորմամբ ներկայացրած պատճառաբանումները, առաջարկում ենք պաշտոնների անձնագրերում ամրագրել նեղ մասնագիտական բարձրագույն կրթություն ինչը, կարծում եմ, կխթանի մասնագետների առավել արդյունավետ ընտրության հարցում:»

Առաջարկն ընդունվել է , այն կքննարկվի և կհամաձայնեցվի ՀՀ վարչապետի աշխատակազմի քաղաքացիական ծառայության գրասենյակի հետ:

Կառավարման խորհրդի անդամ Ա. Ասոյանը օրակարգի 4-րդ հարցի վերաբերյալ քվեարկել է կողմ՝ առաջարկությունն ընդունելու վերապահումով:

Օրակարգի 4-րդ հարցի վերաբերյալ առաջարկվել է.

«Նախագծի 6-րդ և 6.1-ին բաժիններում նկարագրվում է Տեսչական մարմնի և դրա պաշտոնատար անձանց գործողությունների և անգործության դեմ բերված բողոքների և դատական գործերի վերաբերյալ տեղեկատվությունը: Առաջարկվում է արտացոլել նաև գործերի արդյունքների կամ ընթացքի վերաբերյալ տեղեկատվությունը:



Միաժամանակ ՀՀ քաղաքաշինության, տեխնիկական և հրդեհային անվտանգության տեսչական մարմնի 2021թ-ի 1-ին եռամսյակի ընթացքում կատարված աշխատանքի վերաբերյալ հաշվետվության նախագծի 9-րդ կետում ներկայացված տեղեկատվությունը կազմված է ոչ թե Տեսչական մարմնի որակի ապահովման վարչության 2021 թվականի 1-ին եռամսյակի գործունեության կատարողականի գնահատման արդյունքների հիման վրա, այլ Տեսչական մարմնի որակի ապահովման վարչության 2021 թվականի 1-ին եռամսյակի գործունեության հաշվետվության ամփոփման հիման վրա: Առաջարկվում է վերոնշյալ տեղեկատվությունը ներկայացնել հիմք ընդունելով Տեսչական մարմնի որակի ապահովման վարչության 2021թ-ի 1-ին եռամսյակի գործունեության կատարողականի գնահատման արդյունքները:

Օրակարգի 4-րդ հարցին կողմ է քվեարկվում՝ վերոգրյալ առաջարկներն ընդունելու վերապահումով:»:

Կառավարման խորհրդի անդամ Ա.Ասոյանի առաջարկներն ընդունվել են ամբողջությամբ, հաշվետվության նախագծի նշված կետերում կատարվել են համապատասխան փոփոխություններ և տեղեկատվությունը լրացվել է պահանջված կարգով:

**Սույն արձանագրությանը ծանոթանալուց և համաձայնություն տալուց հետո Կառավարման խորհուրդը որոշեց.**

1. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի հաստիքացուցակին և քաղաքացիական ծառայության պաշտոնների անձնագրերին՝ համաձայն հավելված 1-ի:

2. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի որակի ապահովման վարչության 2021 թվականի 1-ին եռամսյակի հաշվետվությանը՝ համաձայն հավելված 2-ի:


3. Հաստատել ՀՀ քաղաքաշինության, տեխնիկական և հրդեհային անվտանգության տեսչական մարմնի որակի ապահովման վարչության 2021 թվականի 1-ին եռամսյակի գործունեության կատարողականի գնահատումը՝ համաձայն հավելված 3-ի:



4. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի 2021 թվականի առաջին եռամսյակի ընթացքում կատարված աշխատանքի վերաբերյալ հաշվետվության նախագծին՝ համաձայն հավելված 4-ի:


5. Հավանություն տալ ՀՀ քաղաքաշինության, տեխնիկական և հրդեհային անվտանգության տեսչական մարմնի 2021 թվականի ստուգումների տարեկան ծրագրում ստուգումների ժամկետների փոփոխությանը՝ համաձայն հավելված 5-ի:

**Կառավարման խորհրդի նախագահ՝**

  
\_\_\_\_\_  
ստորագրություն

**Ա. Փիլոյան**

**Կառավարման խորհրդի քարտուղար՝**

  
\_\_\_\_\_  
ստորագրություն

**Ն. Մկրտչյան**